



## Inatsisartut Sanaartornermut Ataatsimiitiliaat maani

Ilanngussaq 8

### UKA 2013/18 pillugu apeqquteqaatinut akissut.

21-10-2013  
Sags nr.2013-091037

UKA 2013/18-mi imm. 18-imut tunngatillugu sanaartornermut ataatsimiititalip apeqqutaanut Naalakkersuisut tigusaminnut qujapput. Kinguliini apeqqutit ataasiakkaat akissuteqarfigineqassapput.

Postboks1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

1. Aalajangiiffigisassatut siunnersuummut Naalakkersuisut tusarniaanermi akissutit pillugit allakkiamik ilanngussisimapput, tassanilu pingaarnertut tusarniaanermi akissutit eqqikkarneqarsimapput. Tusarniaanermi akissutinit isornartorsiuinernut, kaammattuutitut aamma oqaaseqaatinut taaneqartunut allakkiami itisiliissutitut Naalakkersuisut sunik isumaliuteqarnersut aamma oqaaseqaatissaqarnersut Sanaartornermut ataatsimiititaliaq nassuiaateqaqqusivoq.
2. Aktiaateqarluni ingerlatsivimmik Nuummi umiarsualivimmik nutaamik pilersitsinissamut ingerlatsinissamullu siunertaqarluni suliaqarnermi Kommuneqarfik Sermersooq Naalakkersuisunit qanoq akuutinneqarsimava?
3. Aktiaateqarluni ingerlatsivimmik siunnersuutigineqartumik siunissami ingerlatsinissamut Kommuneqarfik Sermersooq qanoq Naalakkersuisunit akuutinniarneqarnera eqqarsaataava?
4. Assartuussinermi piffissaq ataatsimut atorineqartartoq Nuummi umiarsualiviup allilerneqarnerani qanoq sunnigaassanersoq Naalakkersuisunit nassuiaatigeqquneqarpoq:
  - a. Kalaallit Nunaanni namminermit, matumanilu illoqarfiit akornanni, nunaqarfiit akornanni aamma nunaqarfiit illoqarfiillu akornanni.
  - b. Kalaallit Nunaannit Kalaallit Nunaannullu, matumani immikkut Danmarkimit aamma sinerissami nunaqarfiit illoqarfiillu sinnerinut.
  - c. Nunaqarfeqarpa imal. illoqarfeqarpa Nuummi umiarsualiviup allilerneranut atatillugu maanna pingaarnertut angalanissamut pilersaarutitut sanilliullugu usinik assartuinnermi sivilisunerusumik nalaataqartussanik?

5. Sumunngarfissaq apeqqutaatinnagu nunaqarfinit aalajangersimasunit Kommuneqarfiup Sermersuup avataaneersunit usit Nuuk aqqutigalugu ingerlanneqartarnerat siunnersuutip siullermeernerani oqaluuserineqarpoq. Tamanna atuuttutut ilumoornersoq iml. ilmuuunnginnersoq Naalakkersuisunit oqaatigineqarsinnaava? Nuummi umiarsualiviup allilernissaanut eqqarsaateqarneq nunaqarfiit imal. illoqarfiit ilaannut umiarsuarnik angallassinermi kiffartuussinerup ajorseriarneranik kinguneqarsinnaava? Akerlianik pisoqaratarsinnaava?
6. Nuummi umiarsualiviup nutaap sananeqarnerata nalaani Kalaallit Nunaanni namminerimi aamma Atlantikoq ikaarlugu assartuussinerimi piffissaq qanoq sunnerneqassanersoq Naalakkersuisunit naatsorsuutigineqarpa?
7. Nuummi umiarsualiviup nutaap sananeqarnerata nalaani kingornatigullu usinik assartuussinermut atuisunit akiliuteqartarneq qanoq sunnerneqassanersoq Naalakkersuisunit naatsorsuutigineqarpa?
8. Umiarsualivimmik alliliinerimi naammassisaqarsinnaanermut pitsanngoriaataasinnaasut piviusunngortinneqarsinnaappat, taamaalilluni RAL-ip kiffartuussai assartuussinerimi akigititat annikilleriarnerannik iluaqutissinneqarsinnaallutik?
9. RAL-ip aningaasarsiorneranut siunnersuutip sunniutai pillugit Ataatsimiititaliaq nassuiaammik kissaatigisaqarpoq.
10. Nuummi umiarsualiviup nutaap sananeqarneranut atatillugu suliniuteqarnermi aningaasaqarnermi immikkoortut pingaarnerpaat Naalakkersuisunit nassuiaqquneqarput. Maanna umiarsualiviusumit pinik nalilinnik aningaasaliiniarnermut atatillugu aningaasatigut ataqatigiinnerit pillugit Ataatsimiititaliaq immikkut itisileeqqusivoq.
11. Aktiaateqarluni ingerlatsivissaq pilersaarutigineqartoq Namminersorlutik Oqartussanit tamakkiisumik pigineqassasoq eqqarsaataasoq Naalakkersuisut siulittaasuata siunnersuutip siullermeerneqarnerani ilisimatitsivoq. Aktiaateqarluni ingerlatsivimmik piginnittuunermut atatillugu piffissap ingerlanerani piginneqataaratarsinnaanermut periarfissap ammaaneneqarsinnaaneranik Naalakkersuisut piareersimanersut Ataatsimiititaliap paaserusuppaa. Ataatsimiititaliap

aamma paasissutissiissutigeqquaa nammineq aningaasaliisunit aamma Kommuneqarfik Sermersuumit imal. Kalaallit Nunaanni kommunit sinnerinit il.il. piginneqataarusunnermik soqutiginnittoqarsimansoq.

1-mut tunngatillugu)

Naalackersuisut tusarniaanermi apeqqutinut akissutigineqartut annertuumik maluginiarsimavaat. Siullermik Naalackersuisut pakatsissutigilaarpaat inuiaqatigiinnut pilersaarummut taama annertugisumik attuumassuteqartumut tusarniaanermi akissuteqaatit tiguneqarsimasut amerlassutsimikkut killeqarnerujussuat. Akissuteqaatilli ataasiakkaat eqqarsalersitsipput, pingaartumik Qeqqata Kommuneanit akissuteqaat, tassunga tunngatillugu Naalackersuisut aalajangersimallutik taanna Inatsisartunut aalajangiiffigisassatut siunnersuummut ilanngullugu tunniunnarlugu. Tusarniaanermut akissut ima isornartorsiuitigivoq ataatsimiititaliamut pitsaanerpaajulluni taassuma imarisaanut taanna nammineerluni isummerpat. Qeqqata Kommuneata akissuteqaammini immikkoortut taagorsimasai pillugit Naalackersuisunut allakkiortoqarpoq. Ataatsimiititaliaq tikilluaqqusaavoq allakkiap tigungissaa kissaatigiguniuk.

2-mut tunngatillugu)

Assartuinerlutik kommissionip isumaliutissiissutaanut malitsigisatut Kalaallit Nunaanni Namminersorlutik Oqartussat, Rojl Arctic Line A/S, Sermersooq Kommune aamma Aalborgimi umiarsualiviup akornanni suleqatigiissitaliortoqarpoq. Taamaalilluni suleqatigiissitaq tassaavoq Nuummi Umiarsualivissamut pilersaarusernermi isumaliutinik kingornalu atuutilernissaannik aallartitsisoq siulleq . Taassuma malitsigisaanik assigiinngitsorpasuarnik suliaqartoqarlunilu misissueqqissaarneqarpoq aamma assigiinngitsunik kikkunnik pigineqarnissaanut tunngatillugu pitsaaqutit akornutaasinnaasullu ilanngullugit. Naalackersuisut upernaq tunngavissatut aalajangerpaat, tunngaviatigut aktieselskabitut pilersinneqassasoq, aammalu aallaqqaammut 100%-mik Namminersorlutik Oqartussanik pigineqassasoq, taamaalilluni piginnittuussallutik innuttaaqatigiit kalaallit tamarmik.

Suliassat kommunimik suleqatigiissutigineqarneranni taakkua tunngaviatigut agguarneqarput, atassuteqaatersuutinut tunngatillugu suliassat soorlu nutaamik aqqusinniornissaq, qaammaqqutit atorlugit aqutsineq il.il. kommunimit suliarineqassallutik. Namminersorlutik Oqartussat suliarissavaat selskabimik pilersitsineq aammalu Selskabip Nuup inatsisiliuunneqarnera . Tamanna siunissami kommunimik qanigisamik pilersaarussiaq pillugu

suleqateqarnissamik isumaqarpoq, taamaalilluni pilersaarusiap suliassartai assigiinngitsut sapinngisamik pitsaanerpaamik ingerlasinnaaqullugit.

3-mut tunngatillugu)

Takuuk apeqqummut 2-mut akissut.

4-mut tunngatillugu)

Assartuinermi piffissaq atorpeqartartoq pillugu piffissap ingerlanerani skemani assigiinngitsuni naatsorsueriaatsit nalunaarusiani assigiinngitsumi atorpeqarsimapput.

Skema una nutarterneqarsimavoq 2013-mi paarlakaatitsinermi atorpeqartartoq, tassungalu sanilliunneqarlutik 2017-mut paarlakaatitsinissamut pilersaarutit aammalu assartuinermi piffissat atorpeqartussat. Tassani aamma nalunaarutigineqarput nunaqarfiit pajuttoorneqartarneranni illoqarfiit aallaaviusussat, tamannalu siunissami allannguuteqartinneqassanngilaq. Aalborgimiit illoqarfinnut assartuinermi piffissap assartuiffissat pitsaanerulersinneqarnerisa aamma taamaaqataanik nunaqarfinnit pilersuineq pitsanngoriaateqartissavaa. Upalungaarfigineqassapput silap, anorip, sikorsuit il.il. pissusaat ulluinnarni angalanermik sunniisinnaasut, kisianni tamanna aamma ullumikkut atuutereerpoq.

Pingaaruteqarpoq oqaatigissallugu una tunngaviusumik pilersaarutaammat aammalu umiarsuarnut imarpikkoortaatitut, usinik assartuutitut aammalu umiarsuarnut akunnatsumik angissusilinnut, sinerissami angalatitassanut, ataqatigiissitsinermut periarfissat assigiinngitsut arlaqarput. Eqqarsaatersuutitta ersarissumik takutippaa illoqarfinnut nunaqarfinnullu nassiussanik ullumikkut assartuisarnermut sanilliullugu pitsanngoriaateqartitsissasoq ullormik ataatsimik marlunnilluunniit aammalu Kalaallit Nunaata kitaani illoqarfinnut tamanut pitsanngoriaateqartitsissasoq.

Assartuinnermut piffissaq ulloq unnuarlut	Aalborg –imiit uunga		Aalborg uangaanniit –imut	
	2013	2017	2013	2017
<b>Nuuk</b>	<b>7</b>	<b>6</b>	<b>7</b>	<b>6</b>
Nanortalik	12	10	15	10
Qaqortoq	11	9	16	11
Narsaq	11	9	16	11
Paamiut	10	8	17	12
<b>Kujataa agg.</b>	<b>11</b>	<b>9</b>	<b>16</b>	<b>11</b>
Maniitsoq	13	7	14	13
Sisimiut	11	8	9	12
Aasiaat	10	9	10	11
Uummannaq	13	11	12	13
Upernavik	14	12	15	13
Qasigiannuit	14	10	13	10
Ilulissat	14	10	13	10
<b>Qeqqa/Disko/Avannaa</b>	<b>13</b>	<b>10</b>	<b>12</b>	<b>12</b>
Tasiilaq	13/5	12	15	14
Ittoqqortoormiit	13/5	13	14	14

- a. Kalaallit Nunaata kitaani illoqarfiit Nanortalimmiit Ilulissanut sap. ak. ataatsip iluani atassuteqartinneqartassaput assigiinngiaartumik ullormik ataatsimiit ullunut arfineq marlunnut. Tamanna umiarsualivimmik allilerinnermut atatillugu allannguuteqartinneqarnaviannngilaq, tassami ullumikkut assartuinerit tamarmik tunngavigimmassuk sap. ak. ataatsimik sivilissuseqartarneq.

Nunaqarfiit sullinneqartassapput ullut 14-kaarlugit, ullumikkut Kalaallit Nunaanni Namminersorlutik Oqartussanut sullissinissamik

isumaqatigiissut tunngavigalugu, taamaattumillu naatsorsuutigineqassaaq nunaqarfiit illoqarfiullu assartuiffiusup akornanni piffissaq assartuinnermut atorneqartussaq sivilissuseqassasoq ullormit 1-mit ullunik 14-inut, nunaqarfiup sumiinnera apeqquaatillugu.

Avannaani nunaqarfimmiit Nanortalimmi nunaqarfimmut assartuinnermi pinngitsoorneqarsinnaanngilaq umiarsuit akornanni assartukkanik nussuisarnissaq aamma assersuutigalugu ullumikkut ima assartuisoqartarpoq.

Kullorsuaq-Aasiaat  
Aasiaat-Nuuk  
Nuuk-Qaqortoq  
Qaqortoq-Aappilattoq

Tamatumani piffissamut assartuinnermut atorneqartartumut atorneqartarput ullut 20-it, usilersorneq ilanngullugu. RAL nunatta isuini tamani atortarpaa piffinni nunaqarfinnut angallassisarneq aammalu nassiussanik angallassisarneq, tamannalu angallasseriaaseq aningaasatigut akikinnerpaajuvoq. Nassiussaq qanorluunniit sivilisutisumik Royal Arctic Line-mik akisussaaffigineqaraluarpat "angallanneqarlunilu" akigititaq taanaajuaannarpoq. Aamma taamaappoq angallasserinnermi pissutsit, sila imaluunniit sikorsuit pissutigalugit arlaleriarlutaaluunniit usilersueqqikkaluarutta. Siunissamut umiarsualiviup allinissaanik imaluunniit angallassisarnermut pilersaarutit taamatut angallassisarneq allanngortinnaviannngilaa.

- b. Assartuinnermut piffissat atorneqartartut skemami ilanngunneqarsimasumi takuneqarsinnaapput. Ukiup ataatsip ingerlanera isigalugu angallasserinerup aallaavissaanik takorluuinnermi angallasseriaaseq taanna salliutinneqartuassaaq. Pingaaruteqarpoq oqaatigissallugu ukiup ataatsip ingerlanerani piffissaq assartuiffimmut atorneqartartoq illoqarfinnut ataasiakkaanut annikitsumik allannguuteqartarsinnaammata, assersuutigalugu Kangerlussuaq, Qaanaaq, Tasiilaq aamma Ittoqqortoormiit tikinneqassangaangata, aammalu angalanermi ataatsimi assartuutit allat aamma umiarsuit akunnattumik angissusillit angallassisutaassangaangata. Kisiannili illoqarfiit taakkua ukiumut ikittuinnarnik tikinneqartarput, sap. akunneri tamaasaanngitsoq.
- c. Kisiannili illoqarfinnit Sisimiunit aamma Aasiannit Aalborg-imut pilersaarutip takutippaa assartuinnermi piffissaq atorneqartartoq sivilissuseqassasoq ullunik 3-nik aamma 1-nik, taakkununga assartuutit,

toqqaannartumik umiarsuit imarpikkoortaatit toqqaannartumik atornagit, atorneqassagaangata.

Tasiilamut aamma Ittoqqortoormiunut tunngatillugu DK-mit toqqaannartumik angallassineq aamma Nuuk aqqusaarlugu assartuinnermut sanilliullugu ullut 8-t miss. assigiinngissuteqarpoq. Nuuk aqqusaarlugu assartuineq DK-mit toqqaannarlugu assartuinnermik akikinneruvoq. RAL-ip ullumikkut periutsit tamaasa atorpai, tamatumani apeqqutaatillugu ukiup qanoq ilinerani assartuisoqarnerisq. Tassunga atatillugu tamatuma 2017-imiit sukaterneqarnissaanut ukiualunnik piffissaqarpugut. Nunaqarfiit illoqarfiillu tamaasa ataatsikkut sullissisagutsigit tamatumunnga piumasaqaataavoq amerlanerujussuarnik umiarsuaateqarnissarput, tassami sunniuteqarluarneq aamma ileqqaagaqarnissaq pitsaanerpaamik anguneqarsinnaammata ataqatigiissitsinikkut.

5-mut tunngatillugu)

Ilumoorpoq Kalaallit Nunaata avannaani illoqarfinniit nunaqarfinnilluunniit Ilulissanut imaluunniit Qasigiannugit assartuinnermi assartukkat Aasiannukaanneqaaqqaartarmata, tassanngaaniillu umiarsuarmut imarpikkoortaammut ilaatillugit Nuummukaanneqartarlutik, tassangaaniit umiarsuarmut assartuummut ilaatillugit Ilulissanukaanneqartarlutik Qasigiannuanulluunniit. Tamatumunnga pissutaavoq ullumikkut RAL-p umiarsuaq imarpikkoortaat Nuummut, Sisimiunut aamma Aasiannut assartuinnermut atortarmagu, illuatungaatigut illoqarfiit taakkua umiarsuarnik assartuutunik tikinneqassanatik. 2017-miit nassiussat Nuukkoorunneqartarunnaassapput, tassami umiarsuup assartuutip Aasiaat, Ilulissat aamma Qasigiannugit angallavigisalersussaammagit.

6-mut tunngatillugu)


Uani pineqarmat "Greenfield Project"-mik taaneqartartoq, tassani umiarsualivimmik alliliineq ingerlanneqassalluni nunaminertami suli sanaartorfissatut sularineqanngitsumi aammalu maannakkut umiarsualiviusumut toqqaannartumik attuumassuteqanngitsumi, taava sanaartornerup ingerlanneqarnerani immakkut angallanneq imaluunniit maannakkut umiarsualiviup ingerlanneqarnera sunniuteqarfigineqarnavianngillat.

7-mut tunngatillugu)

Kinguliini titartakkap assartugassat annertusiartornissaannik tunngaviusumik takorluukkat aammalu tassunga tullinnguullugit takorluukkanut marluusunut sanilliuppai, tassalu umiarsualiviup nutaap akileraarutitigut imaluunniit nunap karsianik aningaasalersorneqarnissaanik. Taamaalilluni aningaasalersueriaasissaq tassaalerpoq kisimi assartuinnermi akiusunut

sunniuteqartussa q imanngitsoq kikkut piginnittuunerat. Takorluukkanut tullinnguullugu takorluugaq aamma akileraarutitigut aningaasalersuinissamik takorluugaq aallaaviusussatullu takorluugaq ukioq 2025-miit makittareqatigiilluinnartumik ineriartortinneqassapput. Naalakkersuisut siunnersuutaata kingunerissavaa aningaasaliissutit atuisunit aningaasaliiffiqineqarnissaat.

### Titartagaq: Assartukkanut akiliutit avannaanut assartuinermi ukiumut 1,5 pct.-mik qaffateqartinneqarneranni



Aallerfik: Inuiaqatigiit aningaasaqarniarnerannut sunniutaasussat nalilersorneqarnerat – Nuummi umiarsualiviup allineqarnissaa

Soorlu titartakkami takuneqarsinnaasoq nutaamik umiarsualivilornerup nassatarisussaavaa piffissami sivikinnerusumi assartuinermi akit qaffannerat. Aamma ilimagineqarpoq siunissami ungasinnerusumi assartuinermit akigitat annertuumik annikilleriartinneqarumaartut taamaalilluni attaveqaasersuutit sunniuteqarluartumik patajaatsumillu ingerlanneqalersinnaanerat aqutissiuunneqassalluni.

Naatsorsuinerit matuma kingorna juni sanaartornermut missingersusiaq nutaaq saqqummiunneqarpoq, taassuma takutippaa nutaamik umiarsualivilornerup assartuinermi akigitat ilumut annikillissuteqarnissaat nalorninarqartoq. Kisiannili taassuma umiarsualivittaarnermi assartuinermi akigitat annikillissuteqarnissaannik ilimagisaq allanngortinngilaa.



8-mut tunngatillugu)

Siunissami ungasinneroqisumi immaqa assartuinermi akinik qaffaasoqarsinnaavoq. Tassunga atatillugu pingaaruteqarpoq oqaatigissallugu, nutaamik umiarsualiviliunngikkaanni assartuinermi akit annertunerusumik qaffassapput. Atuisartut aningaasanngorlugu assartuinermi akit appariarnerat maluginngikkaluarpassulluunniit, nutaamik umiarsualivittaarnermi akit qaffariarnerat malunnartumik minnerusaaq, tak. apeqqummut 7-mut akissut.

9-mut tunngatillugu)

Umiarsuaatini ataatsimik ikilinnerisigut RAL ukiumut ileqqaarsinnaasorineqarpoq DKK 30 mio. kr.-nik aammalu umiarsualiveqarfiit sunniuteqarlualersinnerisigut DKK 3 mio. kr.-nik.

Containerileriffinnut nutaanut attartorsinnaalernermit aningaasartuuteqarnissaq naatsorsuutigineqarpoq aammalu kraninik illuutinillu attartornermut ukiumut DKK 60-mio. kr.-nik. Aningaasat taakkua annertussusiat piffissap ingerlanerani annikillisinneqarsinnaavoq umiarsualivimmut akiitsut annikilliskkiartuaarneqarnerannut atatillugu.

Sinneruttut DKK 27 mio. kr. miss. naatsorsuutigineqarput matussuserneqassasut 2017-mi assartuinermi akit 5,4%-mik qaffanneqarnerisigut.

RAL'p aningaasartuutai qaffassapput aammalu umiarsualivik allineqanngippat assartuinermi akinik annertunerusumik pisariaqartinneqalissaaq, tassami maannakkut umiarsualivimmi sullissineq sunniutaarukkiartussammat inissaaleqineq pissutigalugu aammalu umiarsuit nassarsinnaasaasa sinnersimaneri pissutigalugit attartornermi tonsit amerliartuinnaalissammata. Umiarsuit angissutsimikkut annertuumik allineqarsinnaanngillat, tassami angissusiat Nuummut, Sisimiunut aamma Aasiannut talissinnaanissaannut naleqqussagaasussammat, aammalu maannakkut Nuummi containerinut sullissiviata inissaqartinngimmagit umiarsuup imarpikkoortaatsip ataatsip usiisa tamakkerlugit tiginissaat.

Suliarineqarsimavoq sullissinermut pilersaarussiaq, tassani tunngavigineqarsimallutik attartornerup annertussusissaa, sullissinissanik pisinernut isumaqatigiissutit annertussusissaat. Aktieselskabi pilersinneqarpat isumaqatigiissutit tamakkuva sukumiisumik nalunaarusiorneqassapput aammalu illuatungeriit akornanni annertussusissaat isumaqatigiissutigineqassalluni.

Selskabinik taakkunanga piginnittutut Naalakkersuisut kissaatigaat, isumaqatigiissutini ersersinneqassasoq aqqissuussinermik pisariaqartitsinermi aningaasartuutit annikillisarneqarnissaat aammalu ingerlaavartumik ingerlatsinermik annertusaasuussasoq, qulakkeerneqassasorlu assartuinermi akinik qaffaanissamik pisariaqartitsinerup ataatsimut isigalugu

annikillisarneqarnissaa. Taamaattumik Royal Arctic Bygdeservicep sinneqartooruteqarnissaanik qulakkeerinissamik isumaqatigiissutit isumaliutigeqqinneqartariaqarput, taamaaqataanillu umiarsualivinnut inatsisaalersussami, UPA 2014-mi saqqummiunneqartussatut eqqarsaataasumi, umiarsualivimmik atuinnermut akiliuteqartarnissamut periarfissiinissaq, tamatumani ersittariaqarluni.

10-mut tunngatillugu)

Akissut marlungorlugu avinneqarpoq, tassa sanaartornermi aningaasartuutitut aningaasaliineq aammalu ingerlaavartumik ingerlatsinnermut aningaasaliineq, apeqqutip oqaasertalerneqarnera siammasissumik pitsaaneruseqarpoq akisinnaajumallugu.

### **Sanaartornermi aningaasartuutitut aningaasaliissutit**

Umiarsualivittaassap sananeqarneranut aningaasaliissutissatut missingiunneqarput 681 mio. kr. (2013-mi akit naapertorlugit), taakkunannga 423 mio. kr. atorneqassallutik umiarsualivittaata sananeqarneranut, toqqaannartumik atassuteqaasersuutitut attuumassuteqartut, 181 mio. kr. illuutitut atorneqassapput, 59 mio. kr. atorneqassallutik kran-inut angallattarissanut. Aamma 17,5 mio. kr. atorneqassapput tunngaviusumik pilersaarusernermut. Umiarsualiviup nutaap atulernissaa ilimagineqarpoq pissasoq 2016-imi kvartalimi siullermi.

Sanaartornerup ingerlanera aningaasaliissutissatut pisariaqartinneqartut aammalu umiarsualiviup pereersup aningaasaliissuteqarfigeqqinnissanut naliliinerit malillugit pisariaqartinneqartut katillutik annertussuseqarput 715 mio. kr. Aktieselskabip nammineerluni aningaasaatissaatut pilersaarutaapput 180 mio. kr. taakkunannga 70 mio. kr. tigorianaanagaasussaallutik aammalu 100 mio. kr. akisussaassusilimmik attartornikkut aningaasaliissutaassallutik. Aningaasaliissutissatut pisariaqartinneqartut sinneri 535 mio. kr. naatsorsuutigineqarput matussuserneqassasut nalinginnaasumik piunnaasaqatitalinnik attartornikkut. Taakkua saniatigut nunaminertap pigineqareersup nalinga aningaasaliissutigineqassaaq. Siusinnerusukkut nalilerneqareerpoq umiarsualivik pigineqareersoq naleqartoq 40 mio. kr. kisianni maannakkut nalilerneqarnerata nutarterneqarnissaanik suliaq ingerlavoq.

AI 2013-mut aningaasaliissutaareersut saniatigut aningaasaliissuteqarpoq qinnuteqaat nassiunneqassaaq, taanna periarfissalersitsissalluni 110 mio. kr. aningaasaliinissami atugassanik akisussaassusilimmik taarsigassarsinissaq. Aningaasaliissutaassaaq

Nukissiorfimmut taarsigassarsinermi killigitinneqartut annikillineqarnerisigut. Nukissiorfiit nalunaarutigisimavaat naatsorsuutiginaq killigitinneqartut tamakkerlugit atornissaat, taamaattumik 110 mio. kr.-inik annikilliliinissap sunnervianngilaa Nukissiorfiit sanaartornissamut pilersaarutaat.

AIP 2014-moortup pingajussaaneerseqarnissaanut allannguutissatut siunnersuummik nassitsisoqassaaq, RAL-p isertitatigut iluanaarutininik akiliutissaasa missingersuutaanik 25 mio. kr.-inik annertunerulersitsisussamik. Aamma RAL aningaasaliinissamut tapiissutinik piumasaqarpoq, Royal Arctic Bygdeservicep (RAB) ingerlatsineranik qulakkeerutissanik. Aningaasaliissutinut tapiissutit 2011-2014-mut aalajangerneqarput annertussuseqassasut 14.780.000 kr.-inik, taakkua naligaat nassiussat assartukkat tamarmik 3,13 pct.-iat. Aningaasat taakkua 45 mio. kr.-init RAL-ip naatsorsuutaani ileqqaakkatut inissinneqarsimangillat. 2015-imiit aningaasaliissutissat annertussusissaat nutaaq aalajangerneqassaaq. Piumasarineqarpoq taakkunannga aningaasaliinerit aktiaateqarluni ingerlatsiviulersussamut aningaasaliissutaassasut.

### **Ingerlaavartumik ingerlatsinerup aningaasaliiffigineqarnera**

Aktiaateqarluni ingerlatsiviusunngortussami ingerlaavartumik aningaasartuutissat aallartinnermi annerpaaffeqassapput, aningaasaliissuteqarnikkut aningaasartuutit aningaasartuutini tamakkiisuni annertujumaarlutik. 2016-imi ingerlatsinermut aningaasartuutit annertussuseqassangatinneqarput 25 mio. kr.-inik 2020-mi qaffariassallutik 28 mio. kr.-inut. Aningaasaliissutitigut aningaasartuutit aamma nalikilliliinerit ilimagineqarput 2017-mi annertussuseqassasut 56 mio. kr.-inik 2020-mi appariassallutik 52 mio. kr.-inut aammalu taarsigassarsiat nalikilliarthonerat ilutigalugu nalikilliarthonumaarlutik erniallu aamma annikilliumaarlutik.

Aktiaateqarluni ingerlatsiviup aningaasatigut kaaviiartitai 2017-mi annertussuseqassangatinneqarput 80 mio. kr.-inik 2020-mi annertusissallutik 80 mio. kr. miss. 2017-imi kaaviiartitat 77 pct.-ii naatsorsuutigineqarput pissarsiarineqassasut RAL-ip nunaminertanik, illuutinik aamma kraninik attartorneranit. Suliniutinit ullumikkut akilerneqarneq ajortunik isertitat annertussuseqarput 14 pct. miss. aammalu naatsorsuutigineqarpoq 8 %-ii pissarsiarineqassasut suliniutinit nutaanit, pingaartumik atortussiassanik suliaqarnissamik pilersaarutininut atatillugu. Akunnaallisitsineq pissutigalugu procentinut naliliussaq 99 pct.-innaavoq.

Ataatsimut isigalugu naatsorsuutigineqarpoq selskabi ukiuni siullerni annikitsuinnarmik sinneqartooruteqartassasoq, kisiannili qaffakkiartortumik aningaasaliissutitigut aningaasartuutit ikiliartornerat peqatigalugu.

Siuliani inerniliineq aallaaveqarpoq sulinissamut pilersaarusiamik, taanna suliarineqarluni tunngavigalugit attartornerup annertussusissaanut piumasarineqartut aammalu RAL'p aamma umiarsualivittaassap aktiaateqarluni ingerlatsiviata akornanni isumaqatigiissuteqarnerit. Aamma suliat maannakkut ingerlanneqareersut iluanni attartortitsisarnerit naliliiffigineqarput taannalu naammassineqassaaq UPA 2014-mi umiarsualivinnut inatsisip nutaap akuersissutigineqarneranut atatillugu. Kiisalu attartornissaq pillugu aningaasaliissuteqartartut piumasarisaa pillugit suli isumaqatigiissuteqartoqanngilaq. Taassuma takutippaa siuliini isertitassatut-aamma aningaasartuutissatut naliliinerit suli nalorninartoqartut, taakkualu aatsaat erseqqissumik paasineqarsinnaapput ingerlatsiviup pilersinneqarneranut atatillugu.

RAL-mut aamma RAB-mut kingunerisassai apeqqummut 9-mut atatillugu ataatsimut isumaliutersuummut ilanngunneqassapput.

11-mut tunngatillugu)

Naalackersuisut siunissami namminersortut ingerlatsivimmut aningaasaleeqataanissaannut periarfissat ammatippaat. Pingaaruteqarporli arajutsinaveersaassallugu namminersortut aningaasaleeqataanerat aamma isumaqarmat umiarsualiviup nakkutigineqarnerata ilaanik allanut tunniussaqaarnermik. Ingerlatsiviit namminersortut aamma assersuutigalugu soraarnerussutisiassanut aningaasaateqarfiit qaqutiguinnaq kissaateqartarmata assigiissunik aammalu siunertami pisortanit piginniffiusuni eqqarsaatigineqartarmata innuttaaqataasut tamarmik, aningaasanik isaatitsinissaannaanngitsoq. Piginnittut siammasissuunissaanni qulakkeerneqartariaqarpoq selskabimut inatsisitigut sinaakkusiussassat inissilluaqqissaarsimanissaat, taamaalilluni suliffimmi politikki siunertaanngitsumik selskabimut kingunerluuteqartikkumanagu. Taamaattumik tamanna inatsisitigut tunngavissaqaarnissamik annertuumik piunasaqaateqarpoq. Umiarsualivimmi aamma RAL-mi akit pillugit aalajangerneqartarnerannut immikkut inatsisit tassunga tunngatillugu isumaqatigiikkunnaarnissaq pinngitsoortinneqarnissaanut aalajangiisuulluinnarput. Piginnittut arlaliuneratigut tamanna sakkortusisarpoq.

Royal Arctic Line A/S, Sermersooq kommune aamma Aalborgimi umiarsualivik piginneqataanissamut soqutiginnilluinnarnertik takutippaat. Naalackersuisulli

nalilerpaat Royal Arctic Line imaluunniit Sermersooq kommune namminersortutut aningaasaliisutut isigineqarsinnaangitsut, tassami namminersorlutik oqartussat Royal Arctic Line-mik 100%-imik piginnittooreermata aammalu kommune inuiaqatigiinnit annerpaakkut aningaasalersugaareermat. Aalborgimi umiarsualivik taannatuaavoq namminersortutut avataaniit aningaasaleeqataasartoq, kisiannili allanik siunertaqarsimalluni, ilaatigut tunngaviusumik Kalaallit Nunaata Alborgillu akornanni isumaqatigiissutip maannakkut pigineqartup 2021-mi isumaqatigiinniutigeqqinneqarnerani qulakkeerinissamik periarfissinneqarnissaq.

Inussiarnersumik inuulluaqqusillunga

  
Aleqa Hammond